

"U SHEEG  
*Inaan Iyaga*  
*Jecellahay*"

RECEIVING A REVELATION  
OF *God's Lover* FOR YOU

JOYCE MEYER

MACALLIMIINTA ADDUUNKA UGU CAANSAN EE WAX KA BARA KU DHAQANKA K,Q .  
JARIIRADDA NEW YORK TIMES

**"U Sheeg  
Inaan lyaga  
Jecellahay"**

*Joyce Meyer*



# **“U Sheeg Inaan Iyaga Jecellahay”**

*qore*  
**Joyce Meyer**

Iyadoo si kale loo sheego ma’abee, Qorniinka oo dhan waxaa laga soo xigtey turjumaadda Kitaabka Qudduska ee “King James” la yidhaahdo.

Qorniinka la soo xigtey ee lagu tilmaamay AMP waxaa laga soo qaaday, turjumaadda *K, Q* ee “*Amplified Bible*” la yidhaahdo, gaar ahaan *Axdiga Hare*, kan oo ay sannadihii 1965, 1987 daabacday Zondervan Corporation. *Axdiga Cusub*, oo ay sannadihii 1958, 1987 daabaceen Lockman Foundation. Kuwan oo la isticmaalay kaddib markii oggolaansho la helay.

06 05 04 03 02    22 21 20 19 18 17 16

*Tell Them I Love Them*  
ISBN 0-89274-783-8  
Copyright © 1995 by Joyce Meyer  
Life In The Word, Inc.  
P. O. Box 655  
Fenton, Missouri 63026

*Waxaa lagu daabacay waddanka Marayanka. Xuquuqda qoraha waxaa ilaalinaya sharciga Qoraha ee Caalamiga ah. Waxa buuggan ku qoran iyo/ama jelrediisa, sina isagoo dhan ama qayb ah looma koobiyeysan karo iyadoo aan oggolaansho cad oo qoraal ah laga haysan soo saaraha ama daabacaha.*

**JOYCE MEYER MINISTRIES  
U.S. & FOREIGN OFFICE ADDRESSES**

Joyce Meyer Ministries  
P.O.Box: 655  
Fenton, MO 63026  
USA  
(636) 349-0303  
[www.joycemeyer.org](http://www.joycemeyer.org)

Joyce Meyer Ministries - Canada  
P.O.Box: 7700  
Vancouver, BC V6B 4E2  
Canada  
(800) 868-1002

Joyce Meyer Ministries - Australia  
Locked Bag 77  
Mansfield Delivery Centre  
Queensland 4122  
Australia  
(07) 3349 1200

Joyce Meyer Ministries - England  
P.O.Box: 1549  
Windsor SL4 1GT  
United Kingdom  
01753 831102

Joyce Meyer Ministries - South Africa  
P.O.Box: 5  
Cape Town 8000  
South Africa  
(27) 21-701-1056

Go to [tv.joycemeyer.org](http://tv.joycemeyer.org) to watch Joyce's messages in a variety of languages.

Eeg [tv.joycemeyer.org](http://tv.joycemeyer.org) si aad wacdiyada Joyce Meyer Luuqado kala duduwan ugu daawatid.

# Tusmada

*Hordhaca*

7

|  |    |
|--|----|
| 1 Ilaahey Wuu Ku Jecel Yahay Adiga!      | 9  |
| 2 wanaagsanaataydu Ma Igu Filan Tahay?   | 17 |
| 3 Jacaylku Waa Xidhiidh                  | 27 |
| 4 Jacayl, Aaminaad iyo Rumaysi           | 35 |
| 5 Baqdinta Oo Laga Xoroobo               | 43 |
| 6 Jacaylku Wuu Faafaa                    | 49 |
| 7 Jacaylka Ilaahey Wuu Ku Beddeli Doonaa | 57 |

# Hordhaca

Anigu waxaan rumaysanahay in waxa ugu weyn ee dadku u baahan yihiin uu yahay muujinta jacaylka Ilaahay oo iyaga shakhsii ahaan loo tuso. Waxaan rumaysanahay inay tani tahay aasaaska ay ku dhisanto ama ku taagnaato nolol Masiixinimo oo guuleysataa. Innagu uma baahnin inaynu aad cilmi ugu leenahay jacaylka Ilaahay; waxaynu u baahannahay muujin. Tan waxaa keliya oo bixin kara Ruuxa Quduuska ah oo waxaa la siiyaa rumayste ama Masiixi kasta oo si tukasho leh uga fekera jacaylka Ilaahay, oo noloshiisa ku tusa jacaylka Ilaahay, oo muujintaa ku raadiya isagoo Erayga Ilaahay isticmaalaya, oo isla markaana ducaysanaya.

Aad uma adka in la rumeeyo inuu Ilaahay adduunka oo dhan jecel yahay ilaa uu u soo diray Ciise si uu adduunka ugu dhinto. Laakiinse way ka sii yara adag tahay in la rumeeyo in haddii aad adigu qofka keliya ee adduunka ku nool tahay, ee Ilaahay *adiga* aad kuu jecel yahay oo uu Ciise kuu soo diri lahaa si uu ugu dhinto *adiga, keligaa*.

Kaddib markii aan sannado badan ahaa Masiixi wareersan, anigu waxaan markii dambe fahmey jacaylka Ilaahay. Ilaahay ayaa naxariistiisa daraadeed, Isaga oo Ruuxa Quduuska ah isticmaalaya, aniga si shakhsiyan ah jacaylkiisa iigu muujiyey. Muujintan keliya ayaa noloshaydii oo dhan beddeshey iyo xidhiidhkii aan Isaga la lahaa.

Waxaan rumaysanahay in waxa aad buuggan ka akhridaa uu ku siiyo garasho iyo fahan cusub oo ku saabsan jacaylka Ilaahay. Waxaan rumaysanahay inuu kani kugu dhalin doono gaajo cusub oo aad u qaado inaad muujintan si shakhsiyan ah u heshid. Waxaan kugu guubaabinayaa inaad buuggan si deggan oo tartiib ah u akhridid, oo aad isticmashid waxyaalah loogu talogalay inay barashadaada kaa caawiyaan oo aad ka fekertid oo aad wakhti siisid Qorniinada, iyo fikirada aad ka heli doontid iyagoo ku qoran boggaga ku xiga.

Buuggan waxaa lagu qoray oo loo soo bandhigayaa si is hoosaysiin leh, anigoo og inaan anigu Isaga la'aantiis waxba ahayn, iyo in wixii muujin ama fahan ah ee aan Eraygiisa ka haysto, aan ku helay nimcadiisa daraadeed.

# 1

## Ilaahay Wuu Ku Jecel Yahay Adiga!

"Ilaah intuu dunida jacayl u qabay ayuu siiyey Wiilkiisa keliya oo dhashay in mid kastoo isaga rumaystaa uusan lumin laakiinse uu lahaado nolosha weligeed ah."

Yooxanaa 3:16

Ilaahay wuxuu doonayaan qoys, sidaa daraadeed Ilaahay wuxuu inaga dhigay carruurtiisii. Isagu ma doonayo inaynu sidii ciyaal u dhaqano, laakiinse wuxuu doonayaan inaynu u dhaqano sidii Isaga carruurtiisii. Wuxuu doonayaan inaynu Isaga isku hallayno, oo ku tiirsanaano, oo Isaga wax ka barano, oo Isaga jeclaano, oo *Isaga u oggolaano inuu ina jeclaado*. Isagu wuxuu doonayaan inaynu Isaga aamino oo Isaga u yeedhano marka aynu baahi qabno. Isagu wuxuu doonayaan inuu adiga xidhiidh shakhsiyah ah kula yeesho.

Badankeenu si guud ayaynu u fiirinaa Yooxanaa 3:16. " haa, anigu waan ogahay inuu Ciise u dhintay adduunka," laakiinse innagu ma nihin uun koox dad ah oo badan oo halkaas joogta oo uu Ciise u dhintay. Isagu midkeen kasta ayuu u dhintay. *Isagu adiga ayuu kuu dhintay!*

Haddii aad adigu ahaan lahayd shakhsiga keliya ee adduunka ku nool *adiga oo keliya* ayuu kuu dhiman lahaa. *Adiga oo keliya* ayuu silicaas oo dhan kuu mari lahaa. *Adiga* ayuu kuu dhintay. Aad buu adiga kuu jecel yahay. Oo wuxuu adiga kugu jecel yahay jacayl aan dhammaanayn oo weligiis ah.

Maalin maalmaha kamid ah jidka ayaan baabuurkayga ku watey, oo Ilaahey ayaa qalbigayga la hadlay oo igu yidhi, "Joyce, adigu waxaad indhahayga hortooda qaali ugu tahay sida isha inankeeda." Xataa anigu ma ogeyn inuu hadalkani yahay aayad Baybalka ku jirta. Shaydaankii ayaa taas fikir ka daba keenay oo yidhi, "Bal eeg, miyaanay taasi isla weyni ahayn? Yaad adigu isu malaysay?" Markaasaan anigu isku idhi, "Ooh, waa inaan anigu sidaas ku fekerin." Fikirkeena jidhka ee dembiga leh ayay ka soo horjeedaa inaynu garowsano inaynu dad khaas ah nahay, oo aynu wax fiican samayn karno oo haddiyad leenahay, oo aynu dadka kale ka duwanahay. Midkeen kastaa waa shakhs, kaas oo uu Aabbuhu abuuray, isagoo ka duwan qofka ina ag taagan.

Intii aan tan ka fekerayey, Ilaahey ayaa sawir maskaxeed yar i tusay, kan oo ku saabsan haweeney suuqa qudaarka taagan iyadoo haysata dambiil weyn oo tufaax ka buuxo. Way baadhay oo waxay heshay mid aad u wanaagsan oo la soo baxday kaas ugu fiican. Ilaahey wuxuu aniga ii sheegayey inaan anigu tufaaxaa ugu fiican Isaga u ahaa, ama sida isaha inankeeda hortiisa qaali ugu ahaa. Anigu mid khaas ah ayaan ahaa. Tani uma eka inay saxan tahay, laakiinse sida aad arkayso, Ilaahey sidan ayuu midkeen kasta ku leeyahay ama ku odhanaya. Isagu ma laha inaad adigu midka ugu saxsan tahay, oo aanu qof kastoo kale fiicnayn. Isagu wuxuu sheegayaa inaynu dhammaanteen khaas nahay oo hortiisa qaali ka nahay. Kani waa Eraygiisa, oo Erayguna midkeen kasta ayuu ka hadlayaa. *Adigu sida isha inankeeda ayaad qaali ugu tahay indhaha Ilaahey hortooda.*

Anigu maan aqbalin wixii uu Ilaahey igu yidhi waayo waxaañ dareemay inaan ku khaldanayay inaan waxyaalo fiican naftayda iskaga feker. Laba maalmood kaddib ayaan Baybalkaygii akhriyay Sabuurradii 17:8, oo waxaan arkay iyadoo igu hor qoran: "ii dhawr sida isha inankeeda, oo igu qari hooska baalashaada." "Yaab, runtii Kani waa Ilaahey, oo anigu Isha inankeeda oo kale ayaan Ilaahey u ahay." Muddadii ugu dheerayd, ayaan markaan tan ka fekeroba aan mid khaas ah oo la doortay dareemayey, mar kasta oo aan tan ka feker.

Dadku waxay leeyihii rabitaan, iyo ham, iyo doonis qalbigooda ku jirta oo ah inay jacayl helaan. Ilaahey ayaa sidaas inoo sameeyey. Dad badan ayaan rumaysan inuu Ilaahey adduunka jecel yahay iyo inuu Isagu Ciise jecel yahay, laakiinse way ku adag tahay inay rumeeyaan inuu Ilaahey iyaga jecel yahay. Sidaas oo ay tahay Erayga ayaan ina baraya inuu Ilaahey iyaga u jecel yahay isla sida uu u jecel yahay Ciise. Ilaahey wuxuu

*adiga* kuu jecel yahay isla sida uu uu Isagu Ciise u jecelaaday. Aynu eegno Yooxanaa 5:20:

"Waayo, Aabbuuhu Wiilkuu jecel yahay, oo wuxuu tusaa wuxuu isagu sameeyo oo dhan, oo wuxuuna tusi doonaa shuqullo kuwan ka waaweyn inaad la yaabtaan."

Ilaahay wuxuu halkan ku leeyahay, "Anigu waxyaalahan waaweyn oo dhan Ciise ayaan ku dhix samaynayaa, oo waxyaalo kuwan ka sii waaweyn baan Ciise ku dhix samaynayaa, inaad *adigu* la yaabtid" (fasiraada qoraha). Adigu ma og tahay inay hagaagsan tahay in wax lala fajaco ama laga yaabo, oo lala fajaco ama lala amakaago waxa uu Ilaahay samaynayo?

Qorniinadan ayaynu akhrinnaa, laakiinse badanaa waxaynu garan weynaa waxa uu Ilaahay inaga doonayo inaynu samayno. Isagu wuxuu doonayaa inaynu fiirino shuqullandii waaweynaa ee uu Ciise ku dhix sameeyey oo aynu yaabno, oo aynu nidhaahno, "Ilaahow, waxaa aad Ciise ku dhix samaysay waa wax weyn oo wanaagsan." Dabadeedna wuxuu Isagu doonayaa inaynu Baybalka u jeesano oo eegno Yooxanaa 14:12 halka uu Ciise sidan ku odhanayo: "Runtii, runtii, waxaan idinku leeyahay, Kii i rumaystaa, shuqullandii aan sameeyo, isna wuu samayn doonaa, oo shuquollo kuwan ka waaweynna wuu samayn doonaa, maxaa yeelay, Aabbahaan u tegaya."

Ilaahay isla waxyaalahaas ayuu adiga kugu dhix samaynayaa ama kuu adeegsanayaa, oo waxyaalo kuwan ka sii waaweyn ayaad samayn doontaa waayo Ciise wuxuu u tegey Aabbaha. Adigu taas ma rumaysan tahay? Adigu dhab ahaantii ma rumaysan tahay inuu Ilaahay ku jecel yahay oo adigu ku isticmaali doono ama ku adeegsan doono?

Sayidka ayaa maalin aniga i adeegey anigoo waxbaranaya oo wuxuu igu yidhi, "Joyce, Anigu waxyaalo badan ayaan maalin kasta dadka u qabtaa waayo iyaga waan jecellahay, oo iyagu waxyaalahaas xataa ma arkaan. Oo haba yaraatee ma garowsadaan. Hal tusaale oo keliya ayaan adiga ku siinayaa. Maalin kasta marka aan anigu qoraxda la hadlo oo ku idhaahdo, 'Soo bax', waxaan sidaas u sameeyey Joyce, iyo Xabiibo, iyo Aamina."

Bal joogso oo taas ka feker. Inay qoraxdu maalin kasta cirka ka soo baxdo *adiga* daraaddaa. Haa, qoraxda! Innagu taas arrin caadi ah oo aynu khasab ku leenahay baynu u qaadanaa. Waxaynu ognahay inay qoraxdu

maalin kasta soo baxayso, laakiinse *adiga* ayay kuu soo baxaysaa. Marka uu roobku xilligiisa yimaado, *adiga* ayuu kuu da'ayaa. Marka uu barafku yimaado, *adiga* ayuu kuu imaanayaa. Ilaahay sidaas aadka u badan ayuu *adiga* kuu jecel yahay.

Sharciga Kunoqoshadiisii 7:9 ayaa odhanaysa:

"Haddaba bal ogadaa in Rabbiga Ilaahiinna ahu Ilaah yahay, oo isagu yahay Ilaaha aaminka ah oo axdiga dhawra, oo tan iyo kun qarni u naxariista kuwa isaga jecel oo amarkiisa xajiyaa."

Adigu ma waxaad u malaynaysaa inay kun qarni oo aad jacaylka Ilaahay helaysaa adiga kugu badan tahay ama laguu badiyey? Sidaad aragto, Isagu waa Ilaah abadiyan ah, oo adigu marna Ilaahay ma daalin kartid. Kuwo badan oo innaga ah ayaa ku fekera inuu Ilaahay inaga daalay dembiyadeena iyo cilladeheena badan daraadood, laakiinse adigu sidaas ma awoodid. Jacaylka Ilaahay lama dhammayn karo, oo lama daalin karo, oo Ilaahay kama dhigi kartid inaanu adiga ku jeelaan oo uu ku naco. Jacaylkiisu maaha wax uu Isagu sameeyo ama qabto. Laakiinse waa ka uu Isagu yahay.

Xataa dembiilaha ugu xun, ee ugu wasakhaysan ee adduunkan abid ku dul socday, kaas oo Ciise indhaha ka canduufaya oo odhanaya, "Anigu wax shaqo ah adiga kuguma lihi; oo waan ku qanacsanahay inaan naarta tago" - xataa kaas Ilaahay wuu jecel yahay. Markaa sidee ayuusan Isagu u jeelaanayn kuwii la doortay oo ujeeddada Ilaahay gaarka looga dhigay?

Laga yaabee inaad mar horeba is tidhi, "Anigu Ciise ayaan qalbigayga ka rumaynayaa, oo soo gelinayaa, oo Isaga waan jecelahay." Laakiinse waxaan adiga ku weydiinayaa, *in intee le'eg ayaad rumaysan tahay inuu Ilaahay adiga ku jecel yahay?*

Tani waa fariin fudod oo adiga kugu saabsan: *Ilaahay wuu ku jecel yahay.* Laakiinse tani waa aasaaska ugu horreyya ee uu Ilaahay dhigay si aad adigu u fahantid wax kasta oo kale.

Si kasta oo aad wax kale u barato oo aad si dadaal leh ugu barato oo u raadisid waxyaalaha Ilaahay, haddii aadan aqbali karin xaqiqiada ah inuu Ilaahay adiga ku jecel yahay, meel fog ma gaadheysid. Jacaylka Ilaahay kuu qabo ayaa ah aasaaska rumaysigaaga, ka xorowga dembiga iyo inaad bilowdid inaad kuwa kale si bilaa cabsi ah ugu adeegtid. *Adigu ma aqblaysaa inaad heshid Jacaylka uu Isagu kuu qabo?*

Ilaahay wuu ku jecel yahay *adiga!*

# 2

## WANAAGSAMAAATEYDA MA IGU FILAN TAHAY?

"Rajaduna inama ceebayso, maxaa yeelay, jacaylka Ilaah baa qalbiyadeenna ku dhex shubmay, oo waxaa ku shubay Ruuxa Quduuska ah oo layna siiyey. Waayo, innagoo weli itaaldaran ayuu Masiixu wakhti qumman u dhintay kuwa aan cibaadada lahayn. Mar dhif ah mid waa u dhintaa nin xaq ah, mindhaase qof waa ku dhici lahaa inuu nin wanaagsan u dhinto. Laakiinse Masiixu waa inoo dhintay intaynu weli dembilayaal ahayn, oo sidaasuu Ilaah jacaylkiisii inoogu muujiyey. Haddaba haddaynu haatan dhiiggiisa xaq ku noqonnay, de si ka badanna isagaynu kaga badbaadi doonaa cadhada Ilaah. Waayo, haddii, intaynu col la ahayn, Ilaah inagula heshiiyey dhimashadii Wiilkiisa, de si ka badanna, innagoo la heshiis ah, ayaynu ku badbaadi doonaa noloshiisa."

Rooma 5:5-10

Kuko badan oo innaga ah ayaa rumaysan inuu Ilaahay ina jecel yahay haddii aynaan dembaabin oo keliya. Dadka badankoodu naftooda sidaa uma jecla, sidaa daraadeed waxay ku go'aansadaan inuusan Ilaahayna iyaga dan ka lahayn. Sidaas oo ay tahay Kitaabka Qudduska Wuxuu odhanayaa, "Bal waa maxay dadku oo aad u xasusataa isaga?" (Sabuurradii 4:8). Innagu waxaynu nahay abuuritaankii Ilaahay, oo *Isagu wuu ina jecel yahay waayo wuu ina jecel yahay*. Isagu waa Jacayl. (1 Yooxanaa 4:16).

Adiga wuu ku jecel yahay, oo *adigu qof khaas ah baad tahay*. Tan macnaheedu waa inaad adigu dadka kale ka duwan tahay oo aan adigoo kale jirin. Looguma talagelin inaad aniga oo kale noqoto, oo maaha inaan aniguna adiga oo kale noqdo. Dhib xun baynu ku sugnaanaynaa haddii aynu isku dayno inaynu qof kasta oo kale sidiisa noqono. Wuxuu keliya ee kugu filan waa inuu shaydaanku helo fursad uu adiga kuugu sheego

inaadan adigu fiicnaan kugu filan lahayn. Midda jirtaana waa, marka Ilahay tiisa la fiiryo, maaha inaad "wanaag kugu filan yeelato."

Ciise miyuu kuu dhintay maadaama aad ahayd mid weyn oo wanaag badan, mise wuu kuu dhintay waayo wuu ku jeclaa? K,Q wuxuu sheegaya inuu Isagu aad kuu jeclaa ilaa uu adiga kuu dhintay, haddaynu dhiiggiisa xaq ku noqonay intee ka sii badan ayuu Isagu ina jecel yahay? (Rooma 5:8.9). Isaga jacaylkiisa ayaa ku filan inuu daboolo khaladadeena maalinlaah ah ee yaryar. Isaga jacaylkiisa ayaa kugu filan inuu maalintan kaaga gudbiyo awood iyo guul.

Ilaahay ayaa aniga maalin maalmaha kamid ah i tusay tusaale ah sida uu Isagu u arko khaladadeena iyo turunturooyinkeena. Bal mala-awaal cunug yar, oo ilaa saddex ama afar jir ah, oo mar kasta daawanaya hooyadiis oo guriga ka shaqaynaysa. Cunuggaasi aad buu hooyadiis u jecel yahay oo wuxuu soo qaataay baaldi yar oo biyo ku jiraan iyo maro, oo uu daaqad ku masaxo oo saabuun iyo biyo ka badiyo.

Dabcan biyo iyo saabuun baa ka buuxa daaqadda. Oo markaad eegto waxa uu cunuggu sameeyey waxaad ogaanaysaa inuu isticmaalay maradii ugu fiicnayd ee aad guriga ku masixi jirtey, oo waxaad jeelaan lahayd inaad dhegta ka maroojisid. Laakiinse cunugtii baa kuu imaanaysa, iyadoo cod yar oo macaan ku leh, "Hooyo, hooyo, daaqaddii baan kuu maydhay. Si fiican baan u nadiifiyey. Hooyo waan ku jeclahay."

Hooyadii jacayl badan waxay odhanaysaa, "Haa, wax fiican baad samaysay. Mahadsanid inaad i caawisay." Dabadeedna, marka ay cunugtu ka jeesato ayay daaqadii si fiican u nadiifinaysaa, oo ay mar dambena ku dhiirigelinaysaa inaanay mar kale sidaas samayn.

Ilaahay ayaa ii sheegay waxa uu Isagu inoo sameeyo. Isaga ayaa mar kasta khaladadeena nadiifiya. Haddii aad adigu sida ugu fiican u qabanayso waxa aad taqaano sida loo qabto, intaas uun baa Ilaahay kaa doonayaa. Isagu kaama filayo inaad samaysid wax aanad awoodin inaad samayso. Isagu wuu ku beddeli karaa haddii aad diyaar u tahay inaad tidhaahdid, "Ilaahow waad saxsan tahay, aniguna waan khaldanahay? Anigu waan isku deyey, anigu waxba ma beddeli karo." Dabadeedna Isaga ayaa kuu yeelaya waayo Isagu wuu ogyahay inaanad adigu qof fiican noqon karin caawimaaddiisa la'aanteed.

"Waayo, kii Ilah oo diray ayaa ereygii Ilah ku hadla, maxaa yeelay, isagu qiyas kuma siiyo Ruuxa. Aabhuu wuu jecel yahay Wiilka, oo wax walba ayuu gacanta u geliyey."

Yooxanaa 3:34,35.

Maalin maalmaha kamid ah mar aan baranayey, oo ka fekerayey aayaddan ayaan farxad la qayliyey markii aan garowsaday inuusan Ilahay Ruuxiisa inagu siin si qiyas ah. Isagu inooma siiyo markan intaa yar mar kalena intaas yar.

Laakiinse, Isagu wuxuu yidhaahdaa, "*Wax kastoo aan hayaa waa kuwane, adigu qaado.*" Qiyas kasta oo awoodda Ilahay iyo jacaykiisa ah ayaa adiga maanta diyaar kuu ah amaaad heli kartaa. Isagu wax kasta oo aad u baahan tahay ayuu hayaa, oo wuxuu doonayaa inaad qaadatid ama heshid. Sabab? Waayo wuu ku jecel yahay? Maaha inaad aad u wanaagsanaatid si aad ugu qalantid waayo wax kugu filan oo aad samayn kartaa ma jirto si aad kuwan ugu qalantid. Maaha inaad aad u qurux badnaato oo u xariifsanaato. Ilahay ayaa doonaya inuu taas ku siiyo waayo Isaga ayaa adiga ku jecel.

Sharciga Kunqoshadiisa 7:6, 7, ayaa Ilahay sidan ku odhanayaa:  
"Waayo, waxaad Rabbiga Ilahiinna ah u tiihin dad quduus ah, oo Rabbiga Ilahiinna ahu wuxuu idiin doortay inaad ahaataan dad hanti isaga uga ah dadyowga dhulka jooga oo dhan. Badnaan aad dadadka kale ka badan tiihin Rabbigu idiinma jeelaan oo idiinma dooran saas aawadeed, waayo, idinku dadyowga oo dhan waad ugu wada yaraydeen."

Ilahay ayaa reer binu Israa'iil u doortay inay dad Isaga khaas u ah ahaadaan, sida Kaniisadda oo kale, waayo innagu waxaynu maanta nahay Israa'iilta ruuxiyanka ah ee maanta. Markaa Qorniinkani isla sidii uu iyaga u khuseeyey ayuu adigana maanta kuu khuseeyaa. Isagu wuxuu yidhi, "Anigu idinmaan dooran waayo waxaad ahaydeen qabiilka ugu tirada badan dadka adduunka jooga." Marka tan innaga la inagu dabaqo, taasi waxay odhanaysaa, "Anigu kuma dooran waayo wax kasta ayaad si saxa u samaysay ama waayo aad baad adigu u wanaagsanayd."

Isagu wuu sii wadayaa oo sheegayaa inay iyagu ka tira yaraayeen qolo kasta oo kale. Dhab ahaantiina, haddii aad adigu aniga oo kale tahay, waxaad laga yaabaa inaad ku fekerto inaad adigu qof kastoo kale ka

xumayd kahor intaadan badbaadin. Sidaas oo ay tahay Ilaahay wuxuu aayadda 8-aad ku odhanayaa, "Laakiinse Rabbigu wuu idin jecel yahay, oo wuxuu doonayaa inuu oofiyoo dhaartii uu awowayaashiin ugu dhaartay, oo sidaas daraaddeed Rabbigu wuxuu idinku soo bixiyey gacan xoog badan, oo wuxuu idinka soo furtay gurigii addoonsiga iyo boqorkii Masar oo Fircoona ahaa gacantiisii."

Taasi waa farxad weyn! Ilaahay wuxuu leeyahay, "*Jacaylkayga ayaan adiga kuu doortay, oo waan kuu sheegay inaad adigu quduus tahay. Oo waan kuu sheegay inaad adigu khaas tahay ama lagu doortay.*" Anniga ayaa ku doortay, mana aha inaad adigu fiican tahay oo cajiib tahay, laakiinse waa waayo aniga ayaa ku jecel." Ma garanaysaa waxa uu Ilaahay rabo inuu adiga maanta kuu sameeyo? Wuxuu doonayaa inaad adigu aqbashid oo aad heshid jacaylkiisa.

Inteena badan, dhibta ugu weyni waa inaynaan nafteneen jeclayn. Innagu ma rumaysnin in Ilaahay ina jecel yahay, ama xataa inuu qof kalena ina jecel yahay. Waxaynu is nidhaahnnaa, *Sidee bay ii jeelaan karaan - Anigu ma wanaagsaniye?* Haddii aad rumaysan tahay inaad adigu aad u xun tahay oo foolxun tahay, markaa waxaad ku fekeri doontaa, oo u ekaan doontaa oo u dhaqmi doontaa si aan wanaagsanayn oo foolxun. Adigu kama baxsan kartid ama kama guuleysan kartid fikradda qalbigaaga ku jirta ee aad naftaada ka qabto.

Dhibaatadayda ugu weyni waxay ahaan jirtey inaan anigu naftayda jeclayn, oo waxaan ugu yaraan boqolkiiiba 75 wakhtigayga ku qaadan jirey sidii aan naftayda u beddeli lahaa. Wuxaan u malayn jirey inaan hadal badnaa, markaa waxaan isku deyey inaan aamuso. Laakiinse haddana marka aan aamuso, waan niyad jabi jirey, oo qof kastaa wuxuu dooni jirey inuu ogaado sababta aan u aamusnaa. Markaasaan isku odhan jirey, *laakiinse idinkaa ii sheegay inaan hadal badnahay. Amaan i siiya aniga.* Wuxaan keliyoo isku deyeyaa inaan aamusnaado.

Idiinma sheegi karo intii sanno ee aan sidaa ku noolaa. Oo welina afkayga ayaa marmar dhibaato ii soo jiida. Dad badan oo hadal badan ayaa guursada dad badan oo aan hadal jeclayn. Taas ayaa si ka sii badan u sii tusta sida aad u hadal badan tahay, oo shaydaankuna taas ayuu si joogto ah adiga kuu xasuusiyaa. Taas waxaa loogu yeedhaa *eedayn*.

Ilaahay wuxuu doonayaan inaad eedaynta ka xorowdid, laakiinse waxaa loo baahan yahay rumaysi iyo geesinimo si loo xoroobo. Ma og tahay in si kastoo aad isu eedayso ama isu ciilkaambidaba aanay taasi soo gudeyn ama bixinayn hal khalad oo aad gashay ama samaysay? Aad bay u adag tahay in la rumeeyo inuu Ilaahay adiga ku jecel yahay mar aad adigu khalad samaysay ama gashay.

Intas oo dhan shaydaanka ayaa kugu garaacaya fikiro ku saabsan sida aad adigu u dhib badan tahay oo u foolxun tahay. "Hadda ayaad samaysay" ayuu odhanayaa. "Yaad adigu isu malaysay inaad tahay?" "Ilaahay weligaa adiga kuma barakayn doono, waayo qudhun baad tahay. Adigu qofna Ilaahay uma sheegi kartid. Oo waxna sid fiican uma samayn kartid."

Waa markaa marka loo baahan yahay inay geesinimo qalbigaaga ka dhalato, oo aad tidhaahdid, "Aabbow, khalad baan sameeyey, oo waxaan doonayaan inaad igu saamaxdid dhiigga Ciise daraadiis. Qalbigayga daacad ayaan ka ahay, oo cafiskaaga ayaan anigu doonayaan. Shaydaanow, iga tag. Ciise ayaa dembiyadaydii bixiyey, oo aniga shaqo iguma lihid." Dabadeedna, sii soco oo faraxsanow, oo rayray. Laakiinse waxaa laga yaabaa inaad ku fekereyso, "Isla waxyaalihii khaladka ahaa ayaan sii samaynayaa oo ku sii celcelinayaa." Sidan ayaan aniguna sidoo kale ku fekeri jirey, ilaa iyo intii aan ka joojinayey inay tani i eedeyso, oo qalbigayga is ciilkaami iyo is canaanasho ku abuurto. *Marka aad joojisid inaad isku sii canaanato oo isku eedeyso khalad aad samaysay, khaladkaasna waad joojin doontaa.*

Is eedeynta ama is canaanashada ayaa culays weyn ku saarta oo kuu keenta niyad jab ilaa aad ka gaadhid meel aadan xor noqonayn. Qof geesi ah ayaa is eedeyntan ka baxsada ama iska joojiya. Waa inaad geesi noqotaa inaad rumaysi wax ku qabatid oo aad kor u sii socotod, oo *oo aad is eedaynta diidid*. Shaydaanku wuxuu kuu sheegi doonaa, "Ma waxaad leedahay inaadan dhab ahaantii waxaas aad samaysay ka xumaanayn? Sabab, ugu yaraan waa inaad dhowr saac ka xumaataa. Waayo waxaas aad samaysay aad buu runtii u xumaa." Waxa keliya ee aad isaga ku odhanaysaa waa, "Maya, hubaal sidaas ma samaynayo. Haba yaraatee anigu taas kama xumaanayo." Dhowrka jeer ee ugu horreeyaa way adkaanayaan, laakiinse waxaa loo baahan yahay saddex ilaa afar jeer oo keliya, oo kaddibna dareenkaa waad baranaysaa ama dabeecad ayuu kuu noqonayaa.

Ishacyaah cutubka 53, aayadaha 5, 6 iyo 11 ayaa inoo sheegaya in markii uu Ciise dembiyadeenii qaaday uu Isagu eeddeeniina dusha saartay (oo tan waxaa ku jira is canaanashadeenii iyo is ciilkaambigeenii). Shaydaanku ma doonayo inaad is eedayntaada ka xorowdid. maxaawacay haddii aad isa sii eedeysid, si dhab ah uma awoodeysid inaad Jacaylka Ilaahay doontid oo heshid. Is eedayntu waxay inaga kaxaysaa jacaylka Ilaahay oo waxay soo dhex gashaa adiga iyo Ilaahay sida derbi dhagax adag ah. Marka aad is eedeynta ku dhex jirtid adigu ma arki kartid Ilaaha Aabbaha ah. Waxa keliya ee aad arki kartaa waa eedda iyo dembiga adiga ku horyaalla.

Iska xorree is eedaynta oo rumayso marka uu Ilaahay kuu sheegayo inay Isaga nimcadiisu ku filan tahay inay demnbiyadaada daboosho. Tani dhab bay Isaga ka ahayd. Isagu wuu ku jecel yahay, nimcadiisa iyo cafiskiisu waa haddiyado bilaash lagugu siinayo. Kuwan maanta aqbal oo qaado!

Ilaahay wuu ku jecel yahay *Adiga!*

# 3

## Jacaylku Waa Xidhiidh

“Oo innaguna waan garanaynaa oo waan rumaysan nahay jacaylka Ilah inoo qabo. Ilah waa jacayl; oo kii ku sii jiraa jacaylka, Ilah buu ku sii jiraa, Ilahna isaguu ku sii jiraa”

1 Yooxanaa 4:16

Sidee ayaad adigu si dheeraad ah ugu sii nuglaagilicsdaan kartaa oo ugu sii ogaan kartaa jacaylka Ilahay? Si kastoo uu Isagu kuu jecel yahayba, haddii aadan jacaylkaas u nuglaan oo garan, adiga wax wanaag ah kuuma samaynayo. Waad garanaysaa wanaagga aad dareemeysid haddii uu qof si dhaba adiga jacayl badan kuu tuso. Wuxuu dareentaa dareen aad u fiican oo diiran oo adduunka ayaa kuu qurux badnaanaya waayo qof baa adiga ku jecel. Ilahay wuu ku jecel yahay adiga, oo wuxuu Isagu doonayaa inuu jacaylkaa ku tuso, oo wuxuu doonayaa inaad Isaga maalin kasta wakhti la qaadatid.

Adigu dhab ahaantii xidhiidh shakhsiyah ah Ilahay ma la leedahay? Maadaama aad beri hore badbaadey macnaheedu maaha inaad xidhiidh aad u wanaagsan Ilahay la leedahay. Marka aan anigu subaxdii indhahayga furo, waxa ugu horreeya ee aan ka fekeraa waa Ilahay, oo sidoo kale Isagu waa Ka ugu dambeeyaa ee aan ka fekero kahor inta aanan habeenkii seexan. Oo Ilahay baan ka fekeraa inta u dhaxaysa, maalintii oo dhan. Ma jiro wax aan ka sii jeclahay, adduunka oo dhan oo aan ka ahayn inaan Ilahay u adeego oo aan Isaga kaga farxiyo. Oo tani way u qalantaa oo ka fiican tahay wax kastoo kale oo kaa luma inta aad sidan samaynaysid.

Waxaa jira god uu Ilahay innaga dhexdeena inagu abuuray kaas oo uu Ilahay oo keliyahi buixin karo. Ma jiro wax kale oo meeshaas buixin karaa. Laga yaabee inaad isku tidhaahdid, "Anigu taas waan garanayaa, oo Ciise ayaan rumeeeyey." Laakiinse Isaga ma aqbalaysaa oo ma heleysaa daqiqiqad kasta, maalin kasta, iyo xaalad kasta? Adigu ma heleysaa jacaylka Ilahay?

*Laakiinse Ilaahey wuu ku jecel yahay adiga, oo khaas baad Isaga u tahay.* Wuxuu kuu abuuray inaad Isaga xidhiidh la lahaatid. Tani waa doonistiisa ugu weyn iyo rabitaankiisa quman ee uu noloshaada la rabo. Isagu carshigiiya ayuu maalin kasta adiga kaa soo qooraansadaa oo kaa soo fiiriya oo kugu yidhaahdaa, "Subax wanaagsan, waan ku jecelahay adiga."

*Aad ha u mashquulin.* Haddii aadan haysan wakhti aad ku ducaysto oo aad Ilaahey wakhti la qaadato, markaa aad baad mashquul u tahay. Qaado wakhti aad Ilaahey ugu sheegto sida badan ee aad Isaga u jeceshahay. Marka wax kastoo kale dhammaadaan, oo qaylada iyo mashquulku dhammaado, Ka keliya ee ugu dambaysta hadhayaawaa waa Ilaahey. Runtu waa taas. Oo haddii aadan markaa Isaga xidhiidh la lahayn, laga yaabee inaadan fursad dambe helin oo aad soo daahdid. Tan macnaheedu maaha inaadan adigu jannada tegeyn, laakiinse waxaa ku dhaafay farxaddii ay lahayd ku noolaanshaha nolol guul leh.

Waxaan soo jeedinayaa inaad sannad qoondeysid, oo aad *Ilaahay u oggolaatid inuu adiga ku jeclaado*. Jooji isku daygaaga ah inaad awoodda rumaysigaaga ku meelmartid oo ku meelmar awoodda iyo rumaysiga Ilaahey ku siyo. Fadhiiso oo noqo sidii cunug yar Oo ku fadhiiso laabta Aabbaha, oo oggolow inuu Ilaahey ku jeclaado. Adigu Isaga ma jeelaan kartid ilaa aad marka hore ka oggolaanaysid inuu Isagu ku jeclaado.

1 Yooxanaa 4:16, ayaan sidan odhanaysa:

"Oo innaguna waan garanaynaa oo waan rumaysan nahay jacaylka Ilaa inoo qabo. Ilaa waa jacayl; oo kii ku sii jiraa jacaylka, Ilaa buu ku sii jiraa, Ilaa hna isaguu ku sii jiraa."

Adigu saaka ma toostay oo ma qaadatay wakhti aad kaga fekereysid sida uu Ilaahey aadka kuugu jecel yahay? Marka ugu horraysa ee aad subaxdii toosto, dhab ahaantii ma dareentid inaad waxna qabato. Laakiinse waxaad u baahan tahay inaad afkaaga isticmaashid si aad jidhkaaga u hawl gelisid oo aad ruuxaaga qof shakhsii ahaaneed u kicisid oo awoodsiisid inuu waxyaalo kala duduwan oo wanwanaagsan sameeyo.

Markaa, marka aad subaxdii toostid waxaad u baahan tahay inaad tidhaahdid, "Aabbow, anigu waxaan kaaga mahadinayaa inaad aad ii jeceshahay. Waxaan kaaga mahadinayaa inaad Ciise ii soo dirtay si uu aniga iigu dhinto. Alla, Aabbow, waxaan kaaga mahadinayaa inaan Ruuxa Quduuska ah la joogo. Waxaan kaaga mahadinayaa in awoodda sarakiciddu

aniga igu dhix jirto. Rabbiyow, waxaan kaaga mahadinaya inaan barako u noqon doono meel kasta oo aan maanta tagoba. *Ilaahayow aniga waad i jeceshahay!* Anigu waxaan ahay cunnuggaaga khaaska ah. Oo Indhahaaga qaali ayaan ku ahay. Waad i jeceshahay aniga!"

Waa inaad adigu isla hadashaa oo aad naftaada u nuglaysisaa oo ogeysiisaa inuu jacaylka Ilaahay adiga kugu hareeraysan yahay oo kaa buuxo. Baybalku wuxuu sheegayaa inuu sawirkaagu gacmaha Ilaahay ku sawiran yahay (Ishacyaah 49:16). Isagu halkaas sare buu kaa soo firinaya, oo odhanayaa, "Eeg, taas ma aragtaa? Miyaanay qurux badnayn? Aad baan iyada u jecelahay. Bal eeg carruurtayda, halkaa gacmahayga calaacashooda ku sawiran." Isagu mar kasta wuu ku xasuusan yahay *adiga* inuu adiga ku jecel yahay oo uu aad u doonayo inuu adiga kula joogo.

Xasuuso inaad Ilaahay hortiisa ku mahadnaqdid oo aad la samaysatid xidhiidh wada joog ah. Mararka qaarkood waxaad u baahantahay inaad wejigaaga salaad ugu dhacdid oo aan Ilaahay uga mahad celisid inaad badbaadey. Joogso oo Ilaahay jeclow. Akhri 1 Yooxanaa 4:16, 17, meesha uu Isagu ku odhanayo

"...Ilaah waa jacayl; oo kii ku sii jiraa jacaylka, Ilaah buu ku sii jiraa, Ilaahna isaguu ku sii jiraa. Taasaa jacaylku kaamil inoogu noqday si aynu kalsoonaan u lahaanno maalinta xisaabta; maxaa yeelay, siduu isagu yahay ayaynu innaguna dunidan ku nahay."

Inaad ogaatid inuu Ilaahay adiga ku jecel yahay waxay ku siinaysaa inaad Isaga ku kalsoonaatid oo aad daacadnimadiisa aamintid.

Barako oo dhan waxay ka timaadaa inaad Ilaahay u oggolaatid inuu adiga ku jeclaado; rumaysi weyn, dembiga oo laga guuleysto, bogsiin, horumar iyo farxad. Kuwan oo dhammi waxay yimaadaan marka aad Ilaahay u oggolaatid inuu ku jeclaado. Marar badan waynu soo jeesanaa oo nidhaahnnaa, "Waa inaan anigu Ilaahay jeclaadaa." Waxaan rumaysanahay inay tahay inaad marka hore Ilaahay u oggolaatid inuu adiga ku jeclaado. Waxaan rumaysanahay inaadan adigu jacaylka Ilaahay tusi karin ama aan lagaa arki karin ilaa aad Ilaahay uga oggolaanayo inuu adiga ku jeclaado.

Waxaan kuu sheegi karaa inaad Ilaahay la joogtid oo la xidhiidhid waayo xidhiidhka Ilaahay waad u baahan tahay, laakiinse sidee ayaad sidaa ku samayn kartaa? Markii uu Ilaahay aniga ii sheegay inaan Isaga xidhiidh

joogto ah la yeesho oo la joogo, kursigii baan ka soo kacay oo foororsaday, oo idhi, "Hadda, Ilaahayow maxaan sameeyaa anigu?" Waa run! Anigu maan garanayn sida Ilaahay loola joogo oo loola xidhiidho waayo, ilaa iyo markaa, dhab ahaantii maan ogeyn sidaaadka u weyn ee uu Ilaahay ii jeclaa.

Sidee ayaad dareenkaaga dadka ugu muujin kartaa, oo u jeelaan kartaa, haddii aadan hubin inay iyagu ku jecel yihiin? Wuxaad ka cabsanaysaa inaad is ceebeysid. Wuxaad ku kalsoon tahay inaad la joogtid kuwa aad ogtahay inay ku jeelaan doonaan oo ku aqbali doonaan. Waxyaalo kala duduwan baan odhan karaa, oo hawlo ayaan ninkayga la qaban karaa kuwaas oo aanan qof kasta oo kale la qaban karin, waayo waxaan ogahay inuu isagu i jecel yahay. Ilaahayna waa isla sidaas oo kale.

Dhaqaaq oo bilow. Ilaahay fursad sii, oo Isaga aya ku bari doona sidii aad aad Isaga xidhiidhka ugula yeelan lahayd oo ula joogi lahayd. Isla hadda su'aashan naftaada weydii: *Anigu Ilaahay ma isku halleeyaa oo ma ku kalsoonahay?*

Ilaahay wuu ku jecel yahay *adiga!*

# 4

## Jacayl, Aaminaad iyo Rumaysi

"Maxaa yeelay, xagga Ciise Masiix gudniinta iyo buuryoqabnimada midna wax ma tarto, laakiinse waxaa wax tara rumaysadka ku shaqeeya jacayl."

Galatiya 5:6

Inteena badani waxaynu wakhti badan ayaynu ku luminaa isku deyidda inaynu rumaysi yeelano. Waynu ognahay inaanay suurtoggal ahayn in Ilaahey la raaligeliyo rumaysi la'aan (Cibraaniyada 11:6), markaa waxaynu u shaqaynaa oo ku dadaalaa inaynu rumaysi dheeraad ah helo. Laakiinse rumaysigu qalbiga ayuu ka yimaaddaa, oo waxaad keliyoo kan ku heleysaa xidhiidh jacayl ku dhisan oo aad Ilaahey la leedahay ama la yeelato. Dhab ahaantii, anigu kuma bari karo rumaysi, laakiinse waxaan ku bari karaa qaynuunada rumaysiga oo waxaan kugu abuuri karaa baahi ilaa aad wax kasta ka samaysid si aad rumaysi u heshid. Tani waxay keliyoo ku timaaddaa muujin Ilaahey.

Jooji inaad aad isugu daydid inaad rumaysi heshid oo aad Ilaahey raali gelisid, oo bilow inaad wakhtigaaga oo dhan iyo xooggaaga oo dhan ku qaadatid inaad Ilaahey la joogtid, oo Isaga jeclaatid. Maalinta oo dhan ku qaado inaad Isaga jeclaatid oo Isagana u oggolaatid inuu ku jeclando.

"Waayo, waxaynu ku soconnaa rumaysadka ee ma aha aragga."

2 Korintos 5:7

Mar aniga oo Qorniinka akhrinaya, Ilaahey ayaa bilaabay inuu waxyaalo yaab leh qalbigayga kula hadlo. Anigu waxaan isku deyayaa inaan rumaysi ku socdo. Wuxuu doonayaa inaan dhinac kasta oo noloshayda ah rumaysi ugu socdo. KQ wuxuu 2 Korintos 5:7 ku odhanayaa "Waayo, waxaynu ku soconnaa rumaysadka ee ma aha aragga."

Haddii si kale loo yidhaahdo, waxaan keliya oo anigu awoodaa inaan rumaysi ku socdo, kaas oo ku salaysan waxa aan ka rumaysanahay xidhiidhaykayga aan Ilaahay la leeyahay. Adigu tan ma fahmeysaa? Qofka rumaysan inuuusan isagu xaq ahayn rumaysi ha iska ilaawo. Qofka rumaysan inuu isagu yahay inuu wasakhaysan yahay oo uusan Ilaahay isaga jeclayn isna rumaysi ha iska ilaawo. Dad badan ayaa isku deyaya inay si rumaysi leh u socdaan, laakiinse waxyaalo badan oo kale ayaanay iyagu qalbiyadooda ku haysan.

Galatiya 5:6 ayaa sheegeysa inuu rumaysigu jacayl ku shaqeeyo, kaas oo uu Ilaahay qalbigayga geliyey: "Qof kastaa wuxuu u maleeyaa in Qorniinkan macnihii su yahay in haddii ayan iyagu dadka kale jeclayn, aan rumaysigoodu shaqaynayn. Haba yaraatee sidan macnaheedu maaha. Waxa runtii macnaheedu yahay waa, haddii aanay iyagu ogeyn sida badan ee uu Ilaahay u jecel yahay, markaa rumaysigoodu ma shaqaynayo." Rumaysigu ma shaqaynayo jacayl la'aantiis. Laakiinse maaha awoodda aad u leedahay inaad dadka kale jeclaato. Waa u oggolaanshahaaga aad Ilaaha Weyn u oggolaato inuu adiga ku jeclaado.

Aad bay labadani u kala duwan yihiin. Aaminaadda Ilaahay iyo ku socoshada rumaysigu waa isku hallaynta Isaga iyo aaminaada inuu Isagu wax kasta kuu yahay. Adigu sidan uma yeeli kartid qof aadan aqoon inuu ku jecel yahay. Taas iska ilow. Adigu marna ma awoodi doontid inaad Ilaahay aamintid haddii aadan ogeyn ama garanayn inuu Isagu ku jecel yahay.

Haddii aad runtii ogtahay sida badan ee uu Ilaahay kuu jecel yahay, kuguma adkaanayso inaad bogsiin hesho. Oo dhib badan kuguma qaadanayso in baahidaada la daboolo.

Sababta aadan u awoodin inaad hesho waa inaadan adigu dhab ahaantii rumaysnayn, inuu Ilaahay adiga kuu hayo oo ku siinayo. Wuxaad isku odhan kartaa, "Waxaan doonayaa inaan ku rumeeyo, laakiinse sidee ayaan sidaas ku rumeeyaa?"

Waa inaad noloshaada dhexdeeda Ilaahay ku jeclaataa, oo waxa keliya ee aad u baahan tahay waa inaad taas garowsatid marka uu Isagu ku tuso. KQ wuxuu odhanayaa, "Waynu jecel nahay isaga, waayo, isaga ayaa hore

inoo jeclaaday" (1 Yooxanaa 4:19). Suurtogal kuuma noqon doonto inaad Ilaahey jeclaatid haddii aan hubaal lagaa siin xaqiiqada ah inuu Isagu markii hore ku jeclaaday.

Wax kastaa adiga ayay kugu soo uruurayaan, qalbigaaga. Halkaasuu ku jiraa! *Ilaahay wuu ku jecel yahay!* *Adigu waad fiican tahay!* *Adigu waad qurux badan tahay!* *Adigu qaali baad tahay!* *Adigu Ilaahey waad qaali baad u tahay!* *Ilaahay adiga wuu ku jecel yahay!* Ma jiro qof adduunka jooga oo abid kuu jeelaanaya sida Ilaahey adiga kuu jecel yahay oo kale.

Adigu Ilaahey mooyee cid kale uma *baahnid*, laakiinse dad kale ayuu Isagu noloshaada siinayaa ama barayaa. Runtu waa in haddii aan cid kale jirin oo aan adiga iyo Ilaahey ka ahayn, adiga wax dhibaato ah oo ku soo gaadhayaa ma jiraan ee waad fiicnaanaysaa. Ilaahey ayaa saaxiibkaaga ugu fiican noqon doona. Isagu wuxuu noqon doonaa saaxiib haddii aadan saaxiibo lahayn. Isagu wuxuu noqon doonaa hooyadaa iyo aabbahaa haddii aadan waalidiin lahayn.

Ilaahay sidaas badan ayuu kuu jecel yahay. Waa sidaas sida aad wax kasta Isaga ugu aamini kartaa. Isagu aad buu kuu jecel yahay oo waad ogtahay inuu doonayo inaad waxyaalahaa heshid. Oo ilaa aad ka garatid inuu Ilaahey doonayo inaad waxaad u baahan tahay heshid, markaa adigu ma yeelanaysid rumaysi kugu filan oo aad waxna ku hesho.

*Rumaysigu wuxuu shaqeeyaa marka aad Ilaahey u oggolaatid inuu ku jeclaado.* Iyadu kuma shaqayso awoddha aad qof kale ku jeelaanaysid. Ilaahey u oggolow inuu ku jeclaado oo maalinta oo dhan joog adigoo Ilaahey ku leh, "Ilaahow, anigu waan ogahay inaad i jeceshahay. Ammaani ha kuu sugnaato! Aabbow, Adigaan ku sarraysiinayaa. Oo Magacaagaan weyneynayaa."

Ninkii la odhan jirey Smith Wigglesworth wuxuu ahaa nin weyn, oo Ilaahey isticmaalay oo dirsaday. Qof baa isaga weydiiyey haddii uu isagu muddo dheer ducaysto, markaasuu ugu jawaabey, "badanaa 30 daqiiqo ka badan ma ducaysto, laakiinse badanaa 30 daqiiqo duco kama maqnaado." Mar kale ayuu sheegay in haddii uu in shan iyo tobant daqiiqo ka badan xidhiidhka uu Ilaahey la sameeyo ka maqnaado, ay tahay inuu markaa isagu toobadkeeno.

Waxaynu isku deyeynaa inaynu arrimaha meel khalad ah ka bilowno. Adigu tan camalladaada kuma keeneysid. Ilaahay ayaa ku barakaynaya waayo wuu ku jecel yahay. Wuxuu tan kuu siinayaa isla sidii uu Isagu badbaadada kuu siiyey.

Adigu xubin qoyskaaga ah, ama qof kale kuu doonoba ha noqdee, shaqadaada kuma badbaadin kartid. Ilaahay u oggolow inuu ku jeclaado. Dabadeedna, marka kale ee aad xubintaa qoyskaaga ka tirsan aragtid, waxaad diyaar u ahaanaysaa inaad qofkaas jeclaatid. KQ wuxuu kuu sheegayaa haddii aad iyaga jeclaatid, oo aad joojisid inaad erayadaada ku soo jiidatid iyo siyaalaha kale ee istuska ah, markaa qofkaa Ciise ayaad u hoggaaminaysaa inuu rumeyyo. Ruuxa Ilaahay ayaa jacalkiisa ku soo jiidanaya qoyskaaga. Laakiinse adigu kuwa kale ma jeelaan kartid haddii aadan marka hore Ilaahay u oggolaan inuu ku jeclaado.

Efesos 2:8, ayaa odhanaysa, "Waayo, idinku waxaad ku badbaaddeen nimco xagga rumaysadka...." Adigu ma garowsanaysaa inaadan waxba samayn karin si aad u badbaadid? Innagoo dhammi dembiileyaal baynu ahayn markii uu Ciise inoo yimid oo ina badbaadiyey, oo waa dhab inaanay taasi ku salaysnayn camalladeena wanwanaagsan ama kartideena aynu waxna si saxa ugu samayn karno. Waxay keliyoo ku salaysnayd hal arrin uun: Ilaah intuu dunida jacayl u qabay ayuu siiyey Wiiliisa keliya oo dhashay in mid kastoo isaga rumaystaa uusan lumin laakiinse uu lahaado nolosha weligeed ah. (Yooxanaa 3:16).

Nimcada waxaa lagu qeexi karaa doonista Ilaahay uu ku doonayo inuu awooddiisa u isticmaalo inuu baahida noloshaada oo dhan daboolo. Isla sida uu Ilaahay, nimcadiisa daraadeed, kuu siiyey rumaysi kugu filan oo aad ku badbaado, sidoo kale ayuu Isagu, jacaylkiiisa daraadiis, kuu siinayaa rumaysi aad ku rumaysid inuu Isagu yahay bogsiiyahaaga. Isagu wuxuu ku siinayaa rumaysi aad ku rumaysid inuu Isagu yahay ka ku quudiya oo waxaad u baahan tahay ku siiya.

Haddii uu rumaysigii uu badbaadadaada kugu siiyey ku filaa inuu kaa badbaadiyo dembiyadaadii oo dhan, isla rumaysigaa ayaa adiga kugu dhex jira si uu u kaafiyoo dhammaan baahiyaha kale ee noloshaada. Haddii aad rumaysan tahay inuu Ilaahay adiga ku jecel yahay, oo aad dhab ahaantii bilowdid inaad taas garatid, oo ogaatid, markaa waxaad bilaabaysaa inaad dhab ahaantii Isaga aamintid. Wuxuu ku qancaysaa run badnaanta Erayga

Ilaahay. Wuxaad *ogaan* doontaa inuusan Isagu marna been kuu sheegeyn waayo wuu ku jecel yahay adiga.

Erayo K,Q ku qoran (*Amplified Bible*), "Rumaysiga" ama aaminaadu waa "Inaad qof ahaan iyo bini'aadan ahaan oo dhan Isaga {Ilaahay} isu dhiibtid." "Oo aad aaminaad iyo rumaysid buuxa ku qabtid Isaga awooddiisa, xigmaddiisa, iyo wanaaggiisa" (Kolosay 1:4). Inta aad Ilaahay u oggolaanayso inuu adiga ku jeclaado, wuxaad baran doontaa inaad Isaga jeclaatid, oo Isaga aamintid, oo rumaysi ayaad lahaan *doontaa*.

Ilaahay wuu ku jecel yahay *adiga*!

# 5

## Baqdinta Oo Laga Xoroobo

"Jacaylku baqdin ma leh, laakiin jacaylka kaamilka ahi baqdinta dibadduu u saaraa, waayo, baqdintu ciqaab bay leedahay. Oo kii baqaana kaamil kuma noqdo jacaylka."

Yooxanaa 4:18

Badanaa rumaysiga sahlan waynu la soconaa ama ka helaa, innaga oo ku kalsoon inuu Ilaahey ina jecel yahay, oo Isaga aaminsan. Dabadeedna isla markiiba, waxbaa ina soo weerara ama inagu dhaca.

Arrin weyn oo rumaysiga dadka ka xaddaa waa xaaladaha waxyalaahaas xun xun ee innaga inagu dhaca. Dhib weyn kuguma noqoto inaad rumaysatid inuu Ilaahey ku jecel yahay, ilaa ay marxaladuhu ka dhigaan inay u eg tahay inaanu isagu ku jeclayn.

Dabadeedna shaydaanka ayaa la yimaada baqdin iyo eedayn si uu kaaga kexeyyo isla wixii adiga ku xoreeyey - Jacaylka Ilaahey. Wuxuu kugu yidhaahdaa, "Bal tana ka waran?" "Waxaan u malaynayey inuu Ilaahey ku jecel yahay. Markaa, maxay wayaalaha xunxuni adiga kuugu dhacayaan? Midheyn wax aad u xun baad samaysay? Dhab ahaantii Ilaahey aad buu adiga kuugu xanaaqsan yahay."

Dabadeedna kalsoonidii aad Ilaahey ku qabtey ayaad lumisaa, oo Isaguna kuma caawin karo haddii aadan isku kalsoonayn. Adigu iskuma kalsoonaan kartid, oo aaminaad badan ma lahaan kartid, haddii aadan ogeyn inuu Ilaahey ku jecel yahay. Haddii aad hesho baqdin gelinta badan iyo eedaynta shaydaanka, adigu ma garanaysid sida badan ee uu Ilaahey kuu jecel yahay.

1 Yooxanaa 4:8 waxay leedahay arrin aad u awood weyn, "... jacaylka kaamilka ahi baqdinta dibadduu u saaraa." Anigu aad baan Qorniinkan uga fekerey oo uga tukadey, anigoo isku deyaya inaan fahmo, dabadeedna maalin maalmaha kamid ayuu Ilaahay tan ruuxayga ku dhex ridey. Jacaylka kaamilka ahi baqdinta wuu dibadda ayuu u saaraa, oo Ilaahna *waa jacaylkaa* kaamilka ah, oo marka aad ogtahay sida uu jacaylkaasi adiga kaamilka kuugu yahay, ma jiro wax adduunka jooga oo aad adigu ka cabsan kartaa. Suurtogal maaha inaad cabsatid haddii aad adigu haysato muujin shakhsiyah ah oo ah inuu Ilaahay adiga ku jecel yahay.

Suurtogal maaha inaad guuldarro ka cabsatid haddii aad ogtahay inuu Ilaahay ku jecel yahay. Adigu ma guuldaraysan kartid haddii aad Ilaahay isku hallayo. Sida keliya ee aad ku guuldaraysan kartaa waa marka aad adigu is aamintid oo naftaada isku hallaysid. Haddii aad og tahay inuu Ilaahay ku jecel yahay, adigu guuldarro kama cabsanaysid. Haddii aad ogtahay inuu Ilaahay ku jecel yahay, adigu kama cabsanaysid in adiga lagu diido ma dadku ku nacaan.

Jacaylka Ilaahay aad buu u weyn yahay oo wax kasta ayuu daboolaa. Adigu ma u malaynaysaa inuu isla jacaylka adiga ku badbaadiyey oo ku xorreeyey uu haddana ku eedaynayo? Shaydaanka ayaa ah eeddeeyaha. Ilaahay dembiga noloshaada wuu ku tusayaa oo kaa dhaadhicinayaa, dabadeedna wuxuu ku tusayaa jidkii aad kaga bixi lahayd. Shaydaanku wuu ku eedaynayaa, oo dabadeedna kuu sheegayaa inaanu jirin jid aad kaas kaga bixi kartid.

"Jacaylku baqdin ma leh, laakiin jacaylka kaamilka ahi baqdinta dibadduu u saaraa, waayo, baqdintu ciqaab bay leedahay. Oo kii baqaana kaamil kuma noqdo jacaylka."

1 Yooxanaa 4:18

Dad badan ayaa u maleeya in aayadahan loola jeedo in haddii aad in ku filan aniga ama qof kale jeceshahay, aadan markaa aniga ama dadkaa kale ka cabsanayn, oo ay cabsidu noloshaada ka baxayso. Laakiinse macnaheedu sidan maaha.

Tan macnaheedu waa inaad oggolaatid inuu Ilaahey adiga ku jeclaado, dabadeedna ma cabsan doontid. Haddii aad dooneysid inay baqdintu noloshaada ka baxdo waa inaad Ilaahey u oggolaato inuu adiga ku jeclaado. *Si rumaysi leh hadda jacaylka Ilaahey ugu dheg oo u hel.* Hore u soco. Si rumaysi leh hore ugu soco oo jacaylka Ilaahey adiga kuu hayo oo dhan qaado.

In yar kaddib markii uu Ilaahey aniga i siiyey muujintii ahayd inuu jacaylkiisu baqdinta saaro, waxay ahayd inaan taas si ficiil ahaan ah u tuso. Baabuurkii ayaa naga xumaaday, oo waxaan u maleeyey in qayb matoorkii baabuurkayaga ahi ay xumaatay ama aanay shaqaynayn, tan oo qaali ahayd. Oo waxaa laga yaabey in tan oo la beddelo ay ku baxaysey afar ilaa shan boqol oo doolar haddii ay tani si buuxda u kharaabto, berigaana lacag intaas le'eg maanu haysan. Markaa baabuurkii waanu iska sii wadnay.

Ilaahay ayaa subaxdaas aniga ila hadlay, oo igu yidhi, "Joyce, adigu iska kay jeclow, oo Anigana ii ogolow inaan ku jeclaado. Wax kale inaad samayso looma baahna. Looma baahna inaad ahaatid marwo rumaysi aad u weyn leh. Wawa keliya ee lagaaga baahan yahay waa inaad joogtid adigoo i jecel, oo aad Aniga ii oggolaatid inaan ku jeclaato. Had iyo goorba. Li oggolow inaan ku jeclaado."

Markaa, waan iska joogey anigoo rumaysi ku jooga oo maalintii oo dhan waan heesayey, oo Ilaahey qasiidooyin u samaynayey, oo wakhti wanaagsan ayaan haystey. Dabadeedna isla markiiba, ninkaygii oo geerashka ka hadlaya ayaan maqlay. Laakiinse 45 daqiqo kahor ayuu isagu shaqada aadey! Isaga ayaa albaabkii furay oo igu yidhi, "Baabuurkii waan dhaqaajin kari waayey. Waa inaynu isaga soo xeraynaa."

Albaabkii ayaan xidhay oo waxaan bilaaabay inaan qoslo. Ma ahayn wax aan anigu go'aansaday inaan sameeyo. Way iga soo baxday oo keliya. Tani ruuxayga uun bay ka soo maaxatay, oo Ilaahey ayaana taas igu abuuray waayo subaxdii oo dhan waxaan Isaga u oggolaanayay inuu aniga i jeclaado tan oo ii keentay inaan qoslo, taasi waxay ahayd rumaysi.

Ibraahim ayaa qoslay qosol rumaysi. Markii uu Ilaahey isaga u yimid oo u sheegay inuu wiil dhali doono, Ibraahim qosol buu la dhacay, isagoo leh, "Amaani Ilaahey ha u ahaato! Taas waan rumaysanahay." Haddana Saarah ayaa qososhay qosol shaki iyo rumaysi la'aaneed, Ilaaheyina wuu

saxay iyada, laakiinse Isagu muu canaanan Ibraahim. Isagu Ibraahim qosolkiisii kama uu cadhoon waayo kaasi wuxuu ahaa qosol aaminaadeed.

Marka uu shaydaanku adiga kuu yimaado oo waxa uu isku deyayayaahay inaad adigu mid nacas ah u muuqatid, haddii aad markaa Ilaahaaga si fiican u taqaanid taasi adiga kuma cabsi gelineyso, waxaadse ku qososhaa qosol rumaysi. Waad ogtahay inuu Ilaahay adiga ku jecel yahay, oo Isaga ayaa adiga ku daboolay.

Sidaa daraadeed markii aan anigu ku qoslay matoorkii iga jabay, Ilaahay ayaa qalbigayga wax ugu sheegay cod deggan, oo hoose, laakiinse awood badan. Isagu wuxuu saddex jeer igu yidhi, "Joyce, haddii aad aniga sidan iila shaqayso, anigu marna kuma gabi doono." Waxay u muuqatey sidii ay taasi gurigeyga dhexdiisa uun ka soo dhex baxday ama ka dhalatay. "Anigu marna adiga kuma gabi doono. Marna kuma ilaawayo kumana gabayo."

Haddii aad Ilaahay ku tiirsato oo Ilaahay u oggolaato inuu adiga ku jeclaado, waxaad ilaawi kartaa isku daygaaga aad kartidaada isugu deyeysinaad rumaysi ku noolaatid. Ilaahay uun u oggolow inuu adiga ku jeclaado, oo adiguna jeclow Isaga, oo Isna waxaad u baahan tahay wuu ku siinayaa. Jacaylka Ilaahay ayaa adiga dhexdaada ka soo kici doona oo baqdin oo dhan dibedda u saari doona.

Ilaahay wuu ku jecel yahay *Adiga*.

# 6

## Jacaylku Wuu Faafaa

“Oo waxaynu isaga ka haysannaa qaynuunkan, kaas oo ah, Kii Ilahay jecel, walaalkiina ha jeclaado.”

1 Yooxanaa 4:21

Adigu waxaad tahay dhlaan Ilahay khaas u ah. Isagu sidaas ayuu Sharciga Kunoqoshadiisa 7:6 ku sheegay. Haddii Aad bilowdid inaad sidaas u dhaqantid, waxay bilaabaysaa inay taasi adduunka kuu beddesho. Suuqa ayaad tegeysaa adiga oo dhoolo-caddaynaya, oo dambiishaada ayaad qaadanaysaa adigoo isku leh, "Wax kasta oo aan taabtaa way barakaysan yihiin. Ilahay ammaana! Iyagu way barakaysan yihiin inaan dukaankooda maanta anigu soo galo, Aamiin!" Iska adeego adigoo farxsan, oo heesaya, oo meel kasta oo aad tagtaa ay kuu wanaagsan tahay ama ka helaya.

Waxaynu bilownaa inaynu garano sida aynu khaaska u nahay oo waxaynu u dhaqanaa sidii kuwo uu Ilahay jecel yahay, oo adduunka Masiixa u keenaya ama u sheegaya. Jacaylku wuxuu u faafi doonaa sidii dab meel kayn ah qabsaday. Laakiinse wax wanaag ah ma laha inaad joogtid adiga oo sheeganaya inaad Masiixi tahay, dabadeedna qof kasta ku gunuunucaya. Wuxaad tidhaahdaa, "Anigu Masiixi baan ahay - Anigu Masiixi baan ahay," laakiinse marka uu baabuur kaaga soo hor galo, wuxaad tidhaahdaa, "War nacasyohow, jidka ii bannee. Miyaadan ogeyn inaan kaniisadda ku degdegsanahay? Anigu shir baan ka daahsanahay, qofyahow waalani."

Waxyallo noocan oo kale ah ayaynu mararka qaarkood samaynaa. Adigu diyaar ma u tahay inaad guusha qaadatid? Keliyoo ruuxu ha kaa buuxsamo, oo markaa guusha qaado ama qabso, oo dheh, "Shaydaanow, in badan baad aniga beeno iyo baqdin ii sheegtay. Anigu qof khaas ah baan ahay, oo guul ayaan ku yeelanayaa magaca Ciise daraaddiis waayo Ilahay

ayaa aniga i jecel, oo shaydaanow, ma jirto wax aad arrintaa ka qaban kartaa!"

Jacaylka Ilaahey ee adiga kugu dhex jira ayaa adiga kaa xorayn doona baqdinta, oo kama cabsan doontid inaad kuwa kale si jacayl leh kula dhaqantid. Ilaahey wuxuu doonayaa inaad adigu rumaysid marka uu Isagu sheegayo inuu waxyaalo ama shaqooyin kuwan ka waaweyn adiga kugu samaynayo, waayo Ciise ayaa u tegey Aabbaha. Dhab ahaantii ma rumaysan tahay inuu Ilaahey adiga ku isticmaali doono? Ilaahey wuxuu adiga ku siin doonaa waxa aad adigu Isaga ka sugeysey ama rumaysan tahay inaad ka heleyso. Maaha inaad ka cabsato inaad dhiiranaato oo dhaqdhaqaaq samayso.

Anigu xataa iduinma sheegi karo inta jeer ee aan rumaysadka qarka ka istaagey, oo aan ku dhowaadey inaan wax xun sameeyo, oo dabadeedna uu Ilaahey igu yidhi, "Kaalay, Joyce, kaalay. Waxyaalo waaweyn ayaan adiga kugu dhix samaynaya. Ee kaalay oo soo soco." Markaasaan wixii xumaa ka boodey, oo Ilaahey hal marna imuu gabin.

Ma ogtahay sababta aanan anigu uga welweleyn inaan dhaqaaqo haddii aan doono aan kufo e? Waayo waxaan ogahay inuu Ilaahey aniga i jecel yahay. Isagu wuu i jecel yahay, oo wuxuu og yahay inaan aniguna Isaga jeclahay, oo aan nimcadiisa daraadiis aan noloshaydii Isaga u dhiibey. Haddii aad sidaas samaysay, Ilaahey ayaad jeceshay, oo adigana wuu ku jecel yahay, dabadeedna ma jirayo wax la abuuray oo adiga dhibaato kugu noqonaya taas oo aadan ka guuleysan karin.

"Yaa jacaylka Masiixa inaga sooci doona? Ma dhibaato, mise cidhiidhi, mise silic, mise baahi, mise arrad, mise khatar, mise seef? Sida qoran, Adiga daraaddaa ayaa lanoo laayaa maalinta oo dhan, Waxaa lanoo tiriyey sida ido la qalayo. Maya, waxyaalahan oo dhan dhexdooda aad baynu ugu guulaysanna kii ina jeclaa xaggiisa. Waayo, waxaan hubaa inaan dhimashada, ama nolosha, ama malaa'igaha, ama kuwa madaxda ah, ama waxyaalaha haatan jooga, ama waxyaalaha iman doona, ama kuwa xoogga leh, ama kor, ama hoos, ama uun kaleeto inaga sooci karin jacaylka Ilaa oo ku jira Rabbigeenna Ciise Masiix."

Waxaa laga yaabaa inaadan wax fikrad ah ka qabin sida aad ka u badan ee uu Ilahay u doonayo inaad adigu xorowdid. Ilahay wuu ka xumaadaa marka aadan adigu faraxsanayn. Mararka qaarkood waad istaagtaa oo maalintii oo dhan waad niyad xun tahay. Ma fahmaysaa maalinta noocaas oo kale ah ee aan ka hadlayo? Wixii ku soo ag mara waad jiidhaysaa, carruurta ayaad ku qaylinaysaa, deriska ayaad nacaysaa, oo adiga oo weji macbuus ah leh baad meelaha warwareegeysaa. Waxaad isku odhanaysaa, "Waxa keliya ee aan weligey sameeyaa waa inaan shaqeyyo, oo shaqeyyo, oo shaqeyyo, oo qofna taas iigama mahad celiyo oo iima oga."

Waan ogahay sida aad u dhaqanto maalintaas oo kale, waayo anigana taasi way igu dhacdaa. Marka ay carruurtu guriga yimaaddaan, waxaa laga yaabaa inaad ku fekertid, *Maxaad iskuulka isaga joogi weydeen qafar iyo tobani saac maalintiiba, intaad toddoba saac kaddib ka soo rawaxaysaan?*

Ma og tahay inuu Ilahay damqado? Iskuma deyayo inaan adiga niyad jab kugu rido. Waxaan isku deyayaa inaad adigu garowsatid in haddii aad rumaysatid inuu Ilahay adiga ku jecel yahay, aad markaa bilaabi doontid inaad jacaylkaa ka jawaabitid, dabadeedna jacaylkaa ayaa adiga ku buuxin doona oo wuxuu bilaabi doonaa inuu qof kastoo kalena ku faafo ama gaadho. Waxaad noqon doontaa qof qalbi macaan leh, oo midhaha naxariistu kasoo burqanayaan.

Haddii aad qabsatid xaqiqada ah inuu Ilahay adiga ku jecel yahay, markaa waxaad helaysaa bogsiino, oo horumar ayaad gaadhaysaa, oo baahidaada waa la dabooli doonaa. maxaawacay? *Waxaad bilaabi doontaa inuu welwelku kaa baxo oo aad qalbi deggan yeelatid.*

Sababta ugu weyn ee uusan Ilahay inoo siin kari waxyalahaa badankooda uu Isagu doonayo inuu innaga ina siiyo waa inaynu ku mashquulsanahay inaynu isku dayno inaynu waxyalahaa helo, oo aynu Isagu hor cararno oo siin weyno wakhti uu kuwaas inagu siiyo. Ilahay wuxuu doonayaa inaynu Isagu ku nasano oo aynu Isagu uun jeclaano. Isagu wuxuu doonayaa inaad u oggolaatid inuu ku jeclaado, oo markaa heshid uun.

Shaydaankku ma awoodayo inuu barakadaada kaa joojiyo haddii aad jacayl leedahay, oo maaddaama aad jacayl leedahay, waxaad noqonaysaa mid kaas sii bixiya oo dadka kale gaadhsiiya. Haddii aad jacayl leedahay, waa khasab inaad kaas sii bixisid.

Qaybtii ugu dambeysey ee Qorniinka Sharciga Kunqoshadiisa 7:6 waxay odhanaysaa, "... Rabbiga Ilaa hinna ahu wuxuu idii doortay inaadahaataan dad hanti isaga uga ah dadyowga dhulka jooga oo dhan." Ilaa hay ayaa adiga kuu yeedhay. Isla hadda waxaa laga yaabaa inay shaqadaada ugu muhiimsani tahay inaad gurigaaga uun ka shaqaysid, tusaale ahaan haddaad haweeney xaas ah tahay, laakiinse Ilaa hay ayaa taas kuugu yeedhay. Haddii aad dhab ahaantii dooneysid inuu Ilaa hay ku isticmaalo, Ilaa hay adiga wuu ku isticmaali karaa. Laakiinse waa inaad marka hore adigu aasaaska dhigtaa. *Waa inaad ogaataa oo garataa inuu Ilaa hay adiga ku jecel yahay.*

Awooddaada ruuxiyanka ah oo dhan ha ku lumin ama ha ku khasaarin inaad naftaada uun ka fekertid ama diiradda saartid, sidii aad baahidaada u haqab-tiri lahayd. Keliyoo waxa aad u baahan tahay Ilaa hay u sheego iyo degdeg, dabadeedna rumaysigaaga sii kori adiga oo baahida dadka kale buuxinaya ama wax ka qabanaya. Ciise wuu tukan jirey oo wejiga Aabbihii raadin jirey si loo xooggeeyo oo loo dhiso si uu u baxo oo wax uga qabto ama u haqab-tiro baahida dhammaan dadkii wacdiyadiisa dhegeysan jirey.

Dabadeedna Erayga ayuu iyaga ku wacdiyi jirey, oo gacmuuhu saari jirey, oo waxay heli jireen mucjisoojin. Isagu intuu gees fadhiisto muu rajeyn jirin inuu Ilaa hay Isaga u sameeyo waxyaalihii uu doonayey. Waxaad u baahan tahay inaad Ilaa hay u sheegato waxa aad adigu dooneyso, laakiise waa inuu waxaasi noqdaa wax aad isku hubto. Laakiinse, rabitaankaaga ugu weyn ee noloshaadu waa inuu noqdaa inaad baahida dadka kale buuxisid ama dadka kale caawisid.

Taajirnimada dhabta ah, haddii si sax ah loo qeexo, waa kartida ama awoodda loo leeyahay in la isticmaalo awoodda Ilaa hay si aad wax uga qabtid ama u dabooshid baahi kasta oo kaa hortimaada ama kula soo gudboonaata. Jacaylka Ilaa hay ayaa adiga ku siin doona awood aad marka hore baahida dadka kale wax kaga qabtid. Ma u malaynaysaa inuu Ilaa hay jacayl badan kuu hayo kaas oo uu adiga kugu awoodsiinayo inaad ku jeelaatid dadka aanay sahlanayn in la jeelaado - kuwa cabashada badan, ee aan wanaagga ka abaal celin?

Dhib weyn maaha inaad jeelaatid qof adigana ku jecel. Taasi ma adka. Dembiile kasta ayaa taas samayn kara. Laakiinse marka aad jeceshahay kuwa ay adag tahay in la jeclaado, waad sii socotaa oo sii waddaa inaad iyaga sii jeclaato, oo sii jeclaato, oo *aadan joojin inaad iyag sii jeclaato*. Dabadeedna jacaylka Ilaahay ayaa iyagana beddeli doona.

Laga yaabee inay sannad qaadato. Laga yaabee inay shan sanno qaadato. Laga yaabee inay shan iyo labaatan sanno qaadato, laakiinse way u qalantaa in iyaga la jeclaado. *Intee in le'eg ayuu adigaba Ciise ku sugayey?*

Ilaahay wuu ku jecel yahay, oo sidoo kale Isagu wuu jecel yahay dhammaan dadka kugu wareegsan. Mid Masiixa ah iyo mid dembiile ahba, gidigood wuu jecel yahay, oo wuxuu Isagu doonayaa inuu adiga kuu isticmaalo sidii dhuun uu jecaylkiisa sii mariyo oo kuwa kale ku shubo.

Ha ka cabsan inaad soo istaagtid. Jacaylka Ilaahay ayaa adiga kaa xorraynaya cabsida iyo is eedaynta, oo wuxuu adiga ku siiyey karti aad ku jeelaatid. Ku dadaal inaad jacaylkaa hareerahaaga ku faafisid. Ka bilow inaad mid dadka u fican oo saaxiibtinimo fican la leh noqoto, oo barako u noqo dadka ka tirsan Jidhka Masiixa, ama Masiixiyiinta.

Dadka casho ku martiqaad oo kusoo dhowee inay kusoo booqdaan. Dadka salaan oo *dhoolo-caddee, ama u qosol*. Ilaahay shaqo ayuu adiga kuu hayaa. Isagu wuxuu doonayaa inuu adiga kuu isticmaalo siyaalo aanu u isticmaali karin wax kasta oo kale oo abuuran.

Waxaa jira dad aad adiga oo keliyahi wax u qaban karto. Ma jiro qof kale oo qofkaa gargaari karaa, *adiga* mooyaane. Ilaahay weydiiso inuu ku tuso siyaalo aad jacaylkiisa ku faafiso oo dadka kale wax ugu qabato, oo Isaguna wuu ku bari doonaa.

Ilaahay wuu ku jecel yahay *adiga*.

# 7

## Jacaylka Ilaahay Wuu Ku Beddeli Doonaa

"Oo taas jacayl baa ku jira, mana aha inaynu Ilaah jeclayn, laakiinse isagaa ina jecladay, oo wuxuu Wiilkiisa u soo diray si uu kafaaraggudka dembiyadeenna u noqdo."

1 Yooxanaa 4:10

Ilaahay wuu ina jecel yahay, laakiinse u malayn maayo inay kuwo badan oo innaga ahi dhab ahaantii fahmayaan jacaylka uu Ilaahay innaga inagu jecel yahay. Waxbarasho aan tan ka sameeyey, ayaa Ilaahay aniga igu tusay, in haddii aynu dhab ahaantii ruuxheena ku naqaano sida aadka ah ee uu Ilaahay innaga inoo jecel yahay, aynu markaa aad uga duwanaan doono siyaalo badan oo aynu wakhtiga intiisa badan nahay, ama u dhaqano.

*Jacaylka uu Ilaahay adiga kuu qabo aad uga feker adigoo ducaysanaya.* Kaas ayaa ah ka adiga ku beddelaya. Haddii aadan jeclayn wax naftaada ku saabsan, "*Adigoo og inaad ogtahay*" inuu jacaylka Ilaahay adiga ku beddeli doono.

Sidee ayaad adigu u dareentaa marka aad ogaatid inuu qof ku jecel yahay? Wuxaad dareentaa wanaag ama niyadda ayaa kuu wanaagsanaata, miyaanay ahayn? Miyaad dareentaa xumaan? Ilaahay ayaa aniga ii sheegay inay dad buuggan akhriyayaa naftooda neceb yihiin. Wuxaad neceb tahay wuxaan aad qabato, oo maad aqbalin inaad adigu tahay abuuritaan cusub - oo wuxaad si joogto ah ula dagaallamaysaa dabeeccaddaadii hore.

Ilaa inta aad joogtid adiga oo aan marnaba naftaada jeclayn, oo is nacaya, oo is yasaya, oo aan garowsanayn sida aad khaaska u tahay, markaa adigu marna sida mid khaas ah oo la doortay uma dhaqmaysid. K,Q wuxuu odhanayaa, " Waayo, isagu waxaa weeye siduu qalbiga kaga fikiro" (Maahmaahyadii 23:7). Tan oo dhani waxay u dhacday waayo adigu si

fiican umaad fahmin xaqiiqada ah inuu *Ilaahay adiga ku jecel yahay*. Waa arrin quwad leh in la ogaado sida aadka u badan ee uu Isagu kuu jecel yahay *adiga*.

*Ilaahay* wuxuu doonayaan inaad Isaga maalin kasta la joogtid. Waa taas ta adiga ku beddeleysaa. Haddii aadan meesha ugu horraysa *Ilaahay* gelin, waxaad markaa Isaga gelineysaa meel uusan Isagu kuu samayn karin waxa uu doonayo inuu kuu sameeyo. Wakhtiga kuu khaaska ah ee adigu *Ilaahay* la qaadato, adigoo Isaga jecel uun, oo Isaga u oggolaanaya inuu ku jeclaado, taasi waxay adiga kuu sababi doontaa inaad kortid oo aad ruuxaaga ku xooggowdid.

Dadka intooda badani waa kuwo caajis ah, oo aan dooneyn inay sidaas sameeyaan. Waxay ka sii jecel yihiin haddii uu qof sidaa iyaga u samayn lahaa. *Cudurdaaro ha samayn*. Qof kasta oo tan akhriyaya oo aan *Ilaahay* la joogin oo xidhiidh dhow la lahayn oo ay tani isaga la hadashay ama dhiirigelisey, waxa aan qorayo ayaa shaydaanka ku soo kicinaya isagoo leh, "laakiinse adigu waxaad haysataa waxyaalahaas badan ee kale ee ay tahay inaad qabato."

Anigu waan ogahay sida ay tani u shaqayso - Shaydaanka ayaa cudurdaar kale ku siinaya. *Ilaahay* si dhaba ugu soo jeeso, oo Isaga u qaysho. *Erayga Ilaahay iyo la joogitaanka Isaga ayaa adiga ku beddeli doona*. *Ilaahay* ayaa adiga kaa dhigay mid awooda. Rasuul Bawlos ayaa odhanaya sida ku qoran Filiboy 4:13, "Wax walba waan ku samayn karaa gargaarkiisa kan i xoogeeyaa." Haddii si kale loo yidhaahdo, ma jiro wax abuur oo aanad ku samayn karin awoodda Ciise Masiix.

Isla marka uu *Ilaahay* dhibaatada kuu tilmaamo, waa inaad awood iyo guul la kacdaa oo taas laad debeedda ugu bixisaa. Haddii aad kacdo oo aad jacaylka *Ilaahay* naftaada u hesho, oo aad diido inuu shaydaankaa qiuudhnnka ah ee beenta badani adiga kuu sheego sida aad u xun tahay ee aadan u wanaagsanayn, markaa waxaad bilaabi doontaa inaad u dhaqanto si guul leh.

Laga yaabee inaad hadda si xun u dhaqmaysa, laakiinse si sidan ka duwan ayaad u dhaqmi kartaa haddii aad rumayso inaad adigu gudaha ka tahay aburitaan cusub. Weligaa isma beddeli doontid ama si kale uma dhaqmi kartid, haddii aadan bilaabin inaad toosto oo tidhaahdo, "Ilaah ammaana, anigu mid khaas ah oo la doortay baan ahay. Oo anigu quduus

baan ahay. Ilaahey ayaa aniga i doortay. Isagu wuxuu igu nadiifiyey Dhiigga Wanka. Oo sidaas ayaan aniguna u dhaqmi doonaa. Oo ma kala jecli, shaydaanow, inta khalad ee anigu galoo. Ilaahey wuu weyn yahay oo wuu awoodaa inuu aniga kor ii qaado oo isii wado. *Isaga ayaa waxaa aan khariboo oo dhan nadiifiya!*"

Waa maxay dhibaatada kaa adkaan kartaa haddii adigu "ogtahay inaad ogtahay" inuu adiga ku jecel yahay? Ma jirto. Dhibaato kasta waad ka guuleysan doontaa.

Adigu mid guuleysta ma noqonaysaa? Markaa ka jawaab - ma jirtaa wax aad dooneysyo inaad ka guuleysatid? Waa sidaa sida keliya ee aad adigu ku kori kartaa. Haddii aan dhibaatooyin adiga kugu dhicin, oo aadan marna lahayn wax aad ka guuleysatid, markaa maxaad ilkahaaga rumaysiga ku goyneysaa?

Dhibaatooyinka adiga kula soo gudboonaada u isticmaal fursado aad ku korto. Raadi waxa uu Ilaahey samayn doono maaddaama uu Isagu ku jecel yahay! Haddii aad Ilaahey isku tiiriso, oo aad Ilaahey u oggolaato inuu ku jeclaado oo aad adiguna Isaga jeceshahay, waxaad iska ilaawi kartaa *isku dayada oo dhan* oo waxaad ku shaqayn kartaa si rumaysi leh oo waad nasan doontaa.

Haddii aad Ilaahey u oggolaato inuu ku jeclaado, oo aadna Isaga jeclaato, markaa sidii qof sakhraansan oo kale ayaad u joogi doontaa - oo ku sakhraasan ruuxa. Waa markaa marka ayan xaaladaha noloshaadu kaa adkaanayn waayo waxaad joogtaa adiga oo ku shaqaynaya ama ku dhaqmaya jacaylka Ilaahey dhexdiisa.

Markii aniga Ruuxa Quduuska ah la igu baabtiisay, saddexdii usbuuc ee ugu horreeyey waxaan ahaa sidii qof sakhraansan oo kale oo ku sakhraansan jacaylka Ilaahey. Dadkii ayaa waxay igu odhan jireen, "Maxaa adiga si kaa ah? Aad baad dadka uga duwan tahay. Joyce, anigu ma rumaysan karo. Maxaa kugu dhacay adiga?" Dadkan ayaa saddex usbuuc kaddib aniga igu soo noqday oo igu yidhi, "Maxaa adiga noloshaada ku dhacay?"

Looma baahnayn inaan iyaga hal erayna ku idhaahdo si aan uga dhaadhiciyo inaan anigu is beddeley. Taas way iska arkayeen. Haddii aad jacaylka Ilaahey ku shaqaynayso, mar kastaba waad dhoola-caddayn doontaa. Waad qurux badnaan doontaa. Waa xaad lahaan doontaa xoog iyo karti. Waa xaad awoodi doontaa inaad dadka kale u adeegto waayo waxaa adiga mar kasta ku xooggeyn doona oo awood ku siin doona Ruuxa Quduuska ah, ilaa baahi kasta oo aad qabto laga haqab tiro ama laga buuxiyo.

Naftaada ku dheh, "*Ilaahay aniga wuu i jecel yahay*. Ammaan Ilaahe baa leh, *Ilaahay wuu i jecel yahay*." Markaa hadda hore u soco - tallaabo weyn oo aaminaadeed hore u sii qaad oo taa rumee.

Runtii, Ilaahey wuu ku jecel yahay *adiga!*

## Ku Noolow Nolol Cusub

Haddii aadan weligaa Ciise ku soo dhoweyn noloshaada, ama aadan Isaga u aqbalin inuu Sayidkaaga iyo badbaadiyahaaga noqdo, waxaan kugu martiqaadayaan inaad hadda sidaas samaysid. Ducadan ayaad ku ducaysan kartaa, oo haddii ay runtii tani kaa dhab tahay, waxaad nolol cusub ku helaysaa Masiixa.

*Ilaaha Abbaha ahow, anigu waxaan rumaysanahay inuu Masiixu yahay Wiilkaagii, Badbaadihaha adduunka. Waxaan rumaysanahay inuu Isagu iskutallaabta iigu dhintay, oo uu dembiyadaydii oo dhan qaaday. Isagu caddaabta ayuu tegey oo wuxuu ka guuleystey dhimashada iyo xabaasha. Waxaan rumaysanahay in Ciise dhimashadii laga soo sarakiciyey oo uu hadda fadhiyo Adiga gacantaada midig. Ciisow, waan kuu baahanahay, i badbaadi aniga, oo kaalay oo soo gal noloshayda. Waxaan doonayaa inaan anigu mar labaad dhasho.*

Waxaan hadda rumaysanahay inuu Ciise qalbigaaga dhexdiisa ku nool yahay. Adiga waa lgu saamaxay, oo xaq baa lagaa dhigay, oo jannada ayaad adigu tegi doontaa.

Kaniisad fiican raadso taas oo baraysa Erayga Ilaahay oo bilow inaad Masiixa ku korto. Ma jiro wax noloshaada iska beddelayaa haddii aadan aqoon u lahay Erayga Ilaahay. Yooxanaa 8:31-32, ayaa odhanaysa, "Haddaad ereygayga ku sii socotaan, runtii waxaad tiihiin xertayda. Oo waxaad garan doontaan runta; runtiina waa idin xorayn doontaa."

Waxaan kugu guubaaniyaa inaad Erayga Ilaalay ku dheganaatid, oo aad kaas si qoto dheer qalbigaaga ugu beertid, oo sida ay 2 Korintos 3:8 sheegeyso, inta aad adigu Erayga Ilaalay fiirinayso oo baranayso, waxaad u sii ekaan doontaa Sayid Ciise.

Ii soo qor oo ii soo sheeg inaad Ciise aqbashay, oo weydiiso kitaab yar oo bilaash ah oo ku saabsan sidii aad nolol cusub ugu bilaabi lahayd Masiixa dhediisa.

Waan idin Jecelahay,  
Joyce



## BARYO BADBAADO

Ilaah wuu ku jecelyahay waxaanu rabaa inaad isaga la yeelato xidhiidh shakhsii ahaaneed. Haddii aanad hore u aqbalin Ciise Masiix inuu yahay Badbaadiyahaaga, imika ayaad aqbali kartaa. Isaga qalbigaaga u fur adigoo ku ducaysanaya ducadan.

“Aabbow, waxaan ogahay inaan kugu denbaabay ee fadlan I cafii. Wuxaan ballanqaadayaa inaan isku halleeyo Ciise oo ah Wiilkaaga. Wuxaan rumaysanahay inuu aniga dartay u dhintay oo uu denbigayga dusha u ritay markii uu iskutallaabta ku dul dhintay. Wuxaan rumaysanahay inuu ka sarakacay dhimashada. Noloshaday hadda ayaan Ciise u dhiibayaa.

Aabbow waad ku mahadsantahay cafiska iyo nolosha weligeed ah eed ii fidisay. Fadlan igu caawi inaan dartaa u noolaado. Wuxaan ku baryayaa magaca Ciise Masiix, aamiin.”

Marka aad qalbigaaga sidan kaga barido Ilaah, Ilaah wuu ku aqbalay, wuu ku nadiifiyay waxaanu kaa xoreeyay dhimashada ruuxiga ah. waqtii ku qaado inaad barato ood akhrido aayadahan ka midka ah Kitaabka adigoo Ilaah weydiisanaya inuu kugula hadlo oo kaa caawiyo inaad noloshaada cusub kula socoto isaga.

Yooxanaa 3:16

I Korintos 15:3-4

Efesos 1:4

Efesos 2:8-9

I Yooxanaa 1:9

I Yooxanaa 4:14-15

I Yooxanaa 5:1

I Yooxanaa 5:12-13

Ilaah bari oo weydiiso inuu kaa caawiyo inaad hesho kaniisad wanaagsan oo kitaabi ah si aad ugu korto xidhiidhka aad la leedahay Masiixa. Ilaah hadiyo jeer wuu kula jiraa. Wuxuu kugu hoggaamin doonaa inaad maalin maalmaha ka mid ah heli doonto nolosha uu kuu diyaariiyay!



## War Qoraha ku Saabsan

Joyce Meyer waa mid kamid ah macallimiinta adduunka ugu caansan ee wax ka bara ku dhaqanka K.Q . Jariiradda New York Times ayay booska 1-aad ee qorayaasha ka soo gashaa, oo iyadu waxay qortay in ku dhow sagaashan buug oo dhiirigelin iyo waxbarid ku saabsan, buuggaagtaas oo uu kamid yahay ka magaciisa la yidhaahdo, "Living Beyond Your Feelings, Power Thoughts (U noolaanshaha Si Kasii Sarraysa Dareenadaada, iyo Awoodda Fikirrada)", iyo buuggaag kale oo badan oo ah kuwo loogu talogalay qoysaska, oo niyadda dhisa, iyo labada buug ee sheeko xariirkah ee la kala yidhaahdo, "The Penny (Lacagtii Aadka U Yarayd)", iyo "Any Minute (Daqiqad Kasta)", iyo kuwo kale oo badan. Waxay kaloo soo saartay kumanyaal cashar oo cajalado la dhegeysto ku duuban, iyo laybareeri buuxa oo cajalado la daawado ah.

Barnaamijka Joyce ee maalinlaha ah ee raadiyaha iyo telifishinka laga sii daayo, ee la yidhaahdo "Enjoying Everyday Life (Nolol Maalmeedka Oo Si Farxad Leh Loogu Noolaado), ayaa laga sii daayaa oo laga daawadaa adduunka oo dhan. Iyadu adduunka oo dhan ayay wareegtaa iyada oo shirar ama isu imaatino kala duduwan dadka wax ku baraysa. Joyce iyo ninkeeda Dave, afar carruur ah oo qaangaadh dhaafay ayay dhaleen, oo waxay iyagu deggan yihii St. Louis, Missouri, oo waddanka Maraykanka ku taal.